



Collegium Universi Juris Canonici

Engel, Ludwig

Salisburgi, 1693

29. De Clerico per saltum promoto.

[urn:nbn:de:hbz:466:1-61596](#)

communem erroris: quia authoritas Ecclesiastica, & generaliter humana tantum supplet defectus requisitorum ex jure humano dependentium, qualia requisita statuere aut collere in ipsius est potestate. arg. text. in l. *Barbarius.* 3. ff. de Officio præf. ibi: verum puto nihil eorum reprovari, cum populus Romanus etiam servò potuisset decernere hanc potestatem. secus ergo, ubi non potuisset decernere, ut circa definiendum juris naturalis aut divini. Vid. etiam dicta superius de Presb. non baptiz. n. 3. § 4.

••••• TITULUS XXIX.

De Clerico per saltum
promoto.

Per saltum promotas dicitur, qui omisso Ordine medio ad superiorē ascēdit, v. g. qui omisso Diaconatu ordinatus est Presbyter.

Quamvis autem aliqui existimant, taliter promotum esse ab solūte irregularem, magis tamen inter DD. conuenit, esse tantum ipso iure suspensum, & quidem solummodo quoad illū Ordinem per saltum suscepit, & irregularem tunc primum, si in hoc Ordine suscepit, vel in illo, quem suscepere omisit, ministraverit, sicut tradit Barbara in *Collect. DD. ad c. unic. hoc tit.*

Præterea hodie ex Concilio Trid. s. ff. 23. de Reform. c. 14. in fine concessum est Episcopis, ut cum promotis per saltum dispensare possint, nisi, ut præmisum ministraverint, adeoque insuper irregulares facta sint, quo casu Episcopi non aliter dispensare poterunt, quam si delictum suscepit per saltum Ordinationis occultum fuerit, juxta Trident. s. ff. 24. de Refor. c. 6.

TITULUS XXX.
De Eo, qui Ordinem fur-
tivè suscepit.

Ordines furtivè suscipere dicitur, qui abfque consensu Episcopi in numero ordinandorum se ingerit, veluti si subterfugierit examen, & nihilominus in ordinatione comparuerit, vel eadem die preter minores Ordines etiam Subdiaconatum, vel duos sacros Ordines accēperit.

Pœna hujus delicti est, quod taliter ordinatus non habeat executionem Ordinis furtivè suscepiti, & insuper inhabilis reddatur ad superiores Ordines suscipiendos.

Competit tamen Episcopo dispensatio in duobus casibus 1. Si furtiva Ordinum suscepio non prius fuerit ab ordinante sub excommunicatione prohibita, 2. Si ordinatus Monasterium ingrediatur, & ibi aliquamdiu laudabiliter vivat, quo posteriori casu non tantum Episcopo, sed etiam Abbatii dispensare conditur. Text. & DD. communiter in c. 1. 2. & 3. l. t.

Admittitur quoque in c. 2. b. t. confuetudo, si qua sit, ut eadē die minores Ordines cum Subdiaconatu suscipiantur, idque per Concilium Trid. s. ff. 23 de Ref. c. 11. annale interstitium requirens non fuisse correctum, sive tali confuerudini derogatum, docent multi graves DD. cum Barb. in *Collect. ad d. c. 2. b. t. n. 2. cc.*

••••• TITULUS XXXI.
De Excessibus Prælato-
rum & Subditorum.

SUMMĀRIA.

, Prælati prohibentur exactiones inique.

000 000 3 2. Epi-